

宮門抄

四月二十五日 度支部 宗人府 正白旗 值日無引 見 于式枚到京請 安並謝郵傳部侍郎 恩 倫貝 子續假五日 宗人府奉派充總族長 派出澤公 召 見軍機

四月分選軍 道陝西鳳凰張嘉猷福建甲 知府浙江處 州常觀察直隸附安徽太平海福正紅旗江西臨江李大 椿浙江俱監福建甯晉源山東甲 知縣河南滑縣 葛鳳翔安徽鳳山泗水周禮江蘇附福建甯晉源宗智 四川四川汶川吳功溥廣東山東沂水羅經權甘肅湖南 麻陽徐紹熙安徽廣東四會王壩直隸俱甲 州判山東 德州劉耀現四川監 按司獄廣東統森廂白監 吏目 貴州麻哈江元顯安徽附 巡檢江蘇崑山高贊揚湖南 監

諭旨

四月二十六日京電本日 召見軍機 衍聖公 上諭前協辦大學士禮部尚書徐郁老成練達學問優長先朝 特達之知由翰林院修撰入值南書房屢司文柄洵擢正卿 旋登協揆嗣因年老休致茲聞遠逝軫惜殊深加恩著賞給 陀羅經被派員勒載海帶侍衛十員即日前往奠醊照例 書例賜卹任內一切處分悉予開復應得卹典該衙門查例 具奏伊子直隸候補道徐植著以道員即補用示篤念盡 臣至意欽此 同日奉 上諭廣東兩道員缺著左紹佐補授欽此 同日奉 旨著派答克什訥管理圓明園八旗包衣三旗並烏槍營事務 世續著毋庸管理欽此

譯電

▲路透電 英國陸軍部現在出示宣布加增武員薪俸所有 騎兵都守武員每日加增三先令步兵與野戰砲隊之同級武 員每日加增五先令守備砲隊同級武員每日加增一先令六 本士

論說

▲柏林電 英政府現將愛爾蘭之政治表式注銷 ▲又電 德政府現將曼尼穆地方開作商務工藝口岸 ▲又電 俄國薩哈連委員項在上書政府請從速築造黑龍 江之鐵路并修理黑龍江口云 ▲又電 歐洲瑞士國查夫赫森地方開設內河航務會時德 國伯爵恩親王宣言我獨贊成開通康斯司湖與北海相連 以便擴充內河航路

女學議

(二)德育 我國婦德。夙尚柔順。憤世之士。輒謂以壓制教育。讓服從性質。 誠非苛論。然就優勝劣敗之公例言之。則男子之知識學問。優 於女子者居其多數。其見屈於男子也宜矣。惟所以使之劣敗。 則數千年之政教風俗。有以致之也。一旦以知育德育。俱未講 求。婦女為之。所獲。恐牛馬奴隸。而不怨與夫。詎詳勃。豁

而不恥者同一野蠻而已。故陶冶性情。服從規則。而後可以治 家。所謂義務者此也。日本風俗。與我略同。而婦女之柔順循謹。 殆有過之。下田歌子著家政學。論語詳告。不厭瑣屑。而德育亦 以和愛慈善為主。豈文明如下田。而亦尚服從主義耶。女權之 失固在彼不在此也。德育所宜注意者。舉之如左

(甲)倫理

女子倫理。雜出於歷史傳記百家。及古來流傳女學教科書者。 不一而足。綜其大旨。不外乎事舅姑以孝。處妯娌以和。御下以 寬。幼幼以慈。相夫以順。教子以義而已。夫中人之家。再傳以內。 聚居者多。非此數德。不足合我。國之社會。天演之理。適宜為貴。 人處一社會。能合乎其政教風俗者。謂之適宜。女子倫理。不能 外此數境。則求其適宜。亦不能外此諸德。若夫遭逢不幸。遇人 不淑。高堂年邁。不諒苦心。妯娌每失歡於細故。弟兄用婦言而 鬩牆。世俗恒情。誠今日社會所難免。然家族倫理。固為女子所 宜講。國家思想。亦萬不可無。我國五倫。君臣居首。而獨與女子 言倫理者。缺而不講。豈以為婦人女子。無與於國家乎。夫積家 而成國。婦女而逃乎。君臣之倫。是家與國不相統也。家庭之間。 無國家思想。則男子之出而任事也。愛國之感情。必淺。況家庭 教育。責在婦女。不明此義。教育何事。吾聞日本自歐化主義。一 變而為日本帝國主義。雖少婦幼女。皆有忠君愛國之念。故國 勢日強。法國查爾士第七時。大敗於英。失地殆盡。婦女握甬 而出。鼓動全國。恢復失地。轉敗為勝。我國古籍。軼事尤多。近美 國議會。許女子有參政權。澳洲女子。亦欲求入議會。使非動乎 愛國之誠。明乎公益之義。烏能若此。我國體雖異。而國家思想。 則萬不可無。當於倫理學中。有以養成之耳。

(乙)陶冶性情

人性不同。各如其面。苟無教育。則任性而行。必多偏倚。急遽者 慮事多疎。宜使之忍耐。酷虐者待人易苛。宜養其慈祥。此種性 情。女子中概不多見。最為普通者。幽憂抑鬱。以天。年。宜令。開 豁。胸襟。能見其大。愛憎偏私。每認是非。宜使公平。正直。必先。無 我。遲疑者。必失時機。吝嗇者。見怨小人。此皆婦女通病。宜於幼 稚之時。加以陶冶。能稍矯正。而轉移風氣之效大矣。

(丙)道德觀念

從來言婦女道德者。曰貞節。曰孝義。樂善好施。而此外無聞焉。 然此皆際遇為之耳。苟不合此境。遇者。不幾絕於道德之途耶。 特以道德觀念。生人同具。惟其無與外事。別無道德之可言。姑 佞佛以為修道。茹苦以為惜福。(南方婦女以惡衣惡食為惜 福者大礙衛生)間有施濟之恩。解推之惠。所謂婦人之仁而已。 已至貧困無聊。以冥修邀來世之福。而遁於厭世主義者甚多。

專件

此皆婦女之自為道德者也。何範圍之狹。使之枯寂。無用。一。至 於此。誠宗教風俗。有以限之。其結果也。無世界思想。無國家 思想。此。無家族思想。純乎個人主義而已。欲挽其習。宜講公 德。(未完)

馮誠求條陳內外蒙古上理藩部書

(五續) 辦法現在荒地擬次第丈放其業已升科之地亦當按旗清丈 欵法之差可以無慮惟宜商農工商部定準官秤官尺一律由 部頒給民間不得私造以示劃一殊於國際商情均有關係 綜此八策事雖難而實易法似創而實因而其間握全部之機 關可藉以振興庶務者莫如開墾一事惟是蒙疆遠處振理維 艱種種機宜勢難遙制擬請畧仿西二盟墾務由 國家特簡 大臣之例由部請 旨簡放大臣一員督辦蒙疆墾務商稅路 礦等事宜駐節東蒙地方仿外務部請放各海關監督之制庶 可聯絡一氣一面奏請 飭下奉天吉林黑龍江將軍劉清權 限將前內蒙已墾未墾各地悉數造冊報部由部知會該大臣 分別清丈開放所有墾蒙要政悉歸該大臣節制以一事權

(又查奉黑兩將軍歷年在墾地收得荒價不下千餘萬從未 為蒙古典辦一事以後似可不必令其再行控制俾將軍祇管 本省都統亦專管旗務)(以免牽掣)惟事屬創辦設局用人 在在需款一面再請 旨飭下度支部暫借庫銀十萬兩作為 開辦經費一俟取得荒價即行歸還大端既定當有不難就緒 者至於人才不足可於藩官館內挑選氣體堅實精明算術之 學生另立一班(或招旗子弟亦可)專教丈量測繪等事數 月以後即可畢業則人才不可勝用矣如慮外人干涉因而為 難則此舉本為我 國家自行振頓藩屬起見並無國際之交 涉且不於軍界人手即強鄰亦斷不至有非理之妄干况從前 各將軍開放時外人均未干涉豈此次由部開放而轉多牽掣 乎無是理也若夫詳細章程應俟開辦時體查情形再為妥擬 總之以上各策不僅為蒙人謀生計實為內省固邊防苟非設 法振興恐後日情形且有為益為害者列強環伺時事多艱微 士之謀曷云能已倘能將以上各策次第布置然後興學校練 軍備改設行省以理治之瞻彼蒙藩得此其庶能有才乎蓋管 之何裨大計然眷懷時局實有不能自默者願我尚書大人 進而教之則幸甚矣肅稟恭叩 鈞安伏乞垂鑒 (已完)

度支部擬定創辦印刷造紙廠辦法章程 謹將創辦印刷局籌備辦法六條繕單恭呈 御覽 一 預定局章程查印刷局既屬官辦其所最注重者曰紙幣曰 郵票曰印花及一切有價證券必須力求精巧以杜假冒而 昭信用仍令兼辦各種書畫報章藉以保全成本貼補開支 實成該總辦等酌用員司聘用華洋技師教習以教工徒實 有專專專缺勿濫至用人辦事應令參用商家辦法以收實

效而杜虛糜 一 籌撥經費查印刷局應用經費名目雖繁然不外開辦與常 年兩項定購機器建築房屋收買地基建置傢具等項為開 辦經費其他應用物料如煤炭顏料紙張機油機布機革機 件等類以及薪工局用皆為常年經費擬先行撥銀五十萬 兩作為開辦經費設有不敷再行續籌發給所有用款應令 按月呈報每屆年終由臣等核明開單報銷以昭核實 一 履勘地基查印刷局擬在北京清河建築舉凡雕板電板凸 板凹板石印鉛印製色一切機器物料安放屯積以及辦公 寄宿各所占地基寬尤須預為擴充地步除舊有倉基外仍 應加用若干一俟勘定繪具圖樣送臣等閱定後即令將所 占民地數會同清丈核定地價照數發給 一 建築房屋查印刷局約分九大端一為雕刻繪畫一為電鍍 板片一為凸板印刷一為凹板印刷一為石板印刷一為鉛 板印刷一為配製顏料一為綜核各項印刷一為調查各項 印刷應俟地基定妥機器購齊照承辦洋商送來圖式招雇 工程師詳細繪圖如式建造 一 訂購機器查印刷機器種類甚多如凸板凹板成縮刻畫線施 放配色牛濕供乾穿眼膠打號研光各項機器應令該總 辦等按照開單招商承攬擇其價廉物美者批定包運包安 免除規費訂立合同分期交款責成承辦之行如有不符嚴 行議罰 一 慎選技師查印刷局所用技師有雕板電板凸板凹板石印 鉛印寫真製色管機等類此等技師初經開辦中國尚無熟手必 須延用洋人應責成該總辦等慎加選擇嚴定合同免滋流 弊至上海天津等處素有印刷商廠如石印鉛板之工尚易 招募應令廣為搜羅令其學習雕鑄印刷諸藝久之自能精 熟即無須假手外人矣 謹將創辦造紙廠籌備辦法六條繕單恭呈 御覽 一 妥慎用人查造紙廠為 國家特設其重要在紙幣與郵票 印花註冊照公債票及一切有價值之證券等項所用紙張 多係手流總須精益求精以防假冒所費工料不貲應令兼 造通用紙張招商售運藉以保全成本補助局用所有辦事 之人除總辦幫辦外其餘員司應責成該總辦等遴派並須 聘用洋教習以教學徒大致定額宜少選用宜嚴薪資宜厚 局章擬參用商例應令妥擬章程並將所用員司造冊報 明臣部以備查核 一 預籌經費造紙廠所需款項大綱有二曰開辦經費曰常年 經費開辦經費為購置廠基建置房屋及訂購機器器具等 項常年經費為類其繁最鉅者為生料熟物料機料及薪水 工資機油煤炭等項且手流機造兩者並行尤非寬籌的款 不可擬先撥銀七十萬兩以資應用嗣有不敷再行續籌所 有用款應令按月呈報每屆年終由臣等核明開單報銷以 昭核實 (未完)